



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka

o pristupanju realizaciji Projekta adaptacije poslovnih prostora za potrebe predškolskog odgoja i obrazovanja koji se nalazi u ulici Omladinskih radnih brigada od broja 3 do broja 5 (Prijedlog)

Predlagač: Gradonačelnica
Obrađivač: Služba za urbano planiranje,
investicijske, stambene i komunalne
poslove Grada Sarajeva

Sarajevo, novembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“ broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

Odluku

o pristupanju realizaciji Projekta adaptacije poslovnih prostora za potrebe predškolskog odgoja i obrazovanja koji se nalazi u ulici Omladinskih radnih brigada od broja 3 do broja 5

Član 1.

(Predmet Odluke)

Ovom odlukom Grad Sarajevo pristupa realizaciji Projekta adaptacije poslovnih prostora za potrebe predškolskog odgoja i obrazovanja (u daljnjem tekstu: Projekat) koji se nalazi u ulici Omladinskih radnih brigada od broj 3 do broja 5, općina Novo Sarajevo (tri poslovna prostora koji čine jednu građevinsku cjelinu).

Poslovni prostori su ukupne kvadrature 467,85 m² i vlasništvu su Općine Novi Grad Sarajevo.

Član 2.

(Opredijeljenost)

Gradsko vijeće Grada Sarajeva izražava opredjeljenje da učestvuje u Projektu i daje saglasnost i ovlaštenje gradonačelnici Grada Sarajeva i Pravobranilaštvu Grada Sarajevo da u okviru svojih nadležnosti poduzimaju sve potrebne pravne, organizacijske, tehničke, administrativne i finansijske radnje i aktivnosti u cilju uspješne realizacije Projekta.

Član 3.

(Dužnosti)

- (1) Daje se ovlaštenje gradonačelnici Grada Sarajeva da sa Općinom Novi Grad Sarajevo i JU „Djeca Sarajeva“, a u cilju realizacije Projekata, potpiše sporazum kojim će se precizirati sva pitanja od značaja za realizaciju Projekta.
- (2) Grad Sarajevo je sufinansijer realizacije Projekta

Član 4.

(Način finansiranja)

Grad će sufinansirati Projekat u iznosu od 300.000,00 KM obezbjeđenih u Budžetu Grada Sarajeva za 2023. godinu, na poziciji 615 100 – Projekat obnove predškolskih i školskih objekata i infrastrukture.

Član 5.

(Stupanje na snagu i početak primjene)

Ova odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

I PRAVNI OSNOV

Pravni osnov za donošenje Odluke o pristupanju realizaciji Projekta adaptacije poslovnih prostora za potrebe predškolskog odgoja i obrazovanja koji se nalazi u ulici Omladinskih radnih brigada od broja 3 do broja 5 sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje.

II RAZLOZI DONOŠENJA

Ovom odlukom pristupa se Projektu adaptacije poslovnih prostora za potrebe predškolskog odgoja i obrazovanja koji se nalazi u ulici Omladinskih radnih brigada od broja 3 do broja 5, općina Novi Grad Sarajevo. Poslovni prostori su ukupne kvadrature 467,85 m² i vlasništvu su Općine Novi Grad Sarajevo, te je Grad Sarajevo sufinansijer realizacije Projekta.

Ovom odlukom Grad Sarajevo izražava opredjeljenje da se Poslovni prostori za potrebe predškolskog odgoja i obrazovanja rekonstruišu zbog nedostataka sličnih ustanova u lokalnoj zajednici, kao i zbog velikog broja populacije grada koja gravitira tom području.

Obnova i rekonstrukcija vrtića bila bi korisna za sve korisnike, odnosno djecu, roditelje, ali i lokalnu zajednicu. Ujedno, ovaj projekat će doprinijeti kvalitetnijem i adekvatnijem obrazovanju djece u ranom uzrastu, što predstavlja jedan od prioriteta Grada Sarajeva.

Sredstva za sufinansiranje Projekta u iznosu od 300.000,00 KM bit će obezbijedena u Budžetu Grada Sarajeva za 2023. godinu na poziciji 615 100 – Projekat obnove predškolskih i školskih objekata i infrastrukture.

Gradonačelnica Grada Sarajeva i Pravobranilaštvo Grada Sarajevo ovlašteni su za poduzimanje svih potrebnih pravnih, organizacijskih, tehničkih, administrativnih i finansijskih radnji i aktivnosti u cilju uspješne realizacije Projekta.

FINANSIJSKA SREDSTVA

Za realizaciju ove odluke potrebno je predvidjeti sredstva u Budžetu Grada Sarajeva.